

শিকাগোর বিজয়-নিশান


খন্দকার জাহিদ হাসান

প্রকৃতির সাথে মিলেমিশে থাকতে
প্রাণ চায় না মানুষের
প্রকৃতিকে হাতের মুঠোতে
বন্দী করতে চায় সংঃ
এখানে থাকবে ঠিক এতখানি বনভূমি
আর ওখানে থাকবে এই পরিমাণ পাহাড়
এখানে এই অদ্রল জুড়ে থাকবে নগর
আর ঠিক ওখানটায় থাকতে হবে বন্দর।

সভ্যতার যাত্রা এভাবেই শুরু
কতো ঘাম ঝরবে ঝরক
ঘাম ঝরতে ঝরতে একসময়
কদম আলী কঁকিয়ে উঠলো
মারিয়ানা হোয়ে গেল অঙ্গান
আর ভিতাসোভিচ চিরতরে বাকরন্দু হলো!
ঘাম অবশ্যে রক্তে পরিণত হলো
রক্ত ঝরতে ঝরতে এক সময়
মানবতা মুখ খুবড়ে পড়লো।

সংখ্যা নিয়েই সংখ্যাতত্ত্ব
আর বস্তু নিয়ে বস্তুবাদ
সংখ্যা সাজাতে সাজাতে
লালসা উঁকি দিলো মনের জানালায়
বস্তু সাজাতে সাজাতে
স্বার্থপরতা খুঁটি গেঁড়ে বসলো
হৃদয়ের ঘরে

গতকাল যা ছিলো প্রয়োজন
আজ তা হলো মৃগয়া
মানুষের মৃগয়া— সে বড়ো কঠিন জিনিস!
মৃগয়ায় ধসে পড়ে এশিয়া
খান খান হয় ইউরোপ
মৃগয়ায় উত্পন্ন হোয়ে ওঠে আমেরিকা
শিকাগো ড্রাগনের মতো উদ্গীরণ করে
আগুনের লেলিহান শিখা
শিকাগো ঝঞ্চার বেশে আকাশে ওড়ায়
খেটে-খাওয়া মানুষের বিজয়-নিশান।



ঐ চেয়ে দেখ, সভ্যতা মাথা উঁচু করতে করতে
 ছুঁয়েছে আকাশ
 সভ্যতার ভীষণ থাবা ছিন্ন-ভিন্ন করে ফেলেছে
 বায়ুমন্ডলের ওজোনস্তর
 এখন আবার নাকি তা
 মেরামত করা প্রয়োজন!!

মারিয়ানা অনেক ভেবে দেখেছেঃ
 শুধুমাত্র এক ঝাঁক শাদা কবুতর
 আবার সবকিছু করে দিতে পারে
 আগের মতোন স্বাভাবিক।

বেচারা কদম আলীর ছোট্টো ছেলেটা
 তার সুন্দরভাবে বেঁচে থাকার অধিকার
 ও একটি কাঠি-লজেন্স আদায়ের জন্য
 বিবর্ণ আকাশে একদিন ওড়াবে
 একবাঁক শান্তির কপোত।

শিকাগোর নুয়ে-পড়া বিজয়-নিশান
 একদিন উড়বে আরো অ-নে-ক উঁচুতে!!

খন্দকার জাহিদ হাসান, সিডনী, ১লা মে ২০০৫